



Broj: 15-03-16-5-16-56/26

Dana: 6.7.2026. godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17), člana 69. stav (2) tačka d) i člana 70. Zakona o javnim nabavkama („Službeni glasnik BiH“, br. 39/14, 59/22 i 50/24) i člana 8. stav (1) tačka b) Zakona o Agenciji za identifikacione dokumente, evidenciju i razmjenu podataka Bosne i Hercegovine („Službeni glasnik BiH“, broj 56/08), Agencija za identifikacione dokumente, evidenciju i razmjenu podataka Bosne i Hercegovine donosi

## **O D L U K U** **o poništenju postupka nabavke**

### **Član 1.**

Poništava se postupak javne nabavke **održavanja hidrauličnih pumpi**, objavljen na web Portalu javnih nabavki Bosne i Hercegovine, Obavještenje o nabavci, broj 1110-7-1-21-3-82/26 od 28.5.2026. godine, koji je proveden u skladu sa konkurentskim zahtjevom za dostavljanje ponuda.

### **Član 2.**

Ova odluka se dostavlja ponuđaču u roku od tri (3) dana, a najkasnije u roku od sedam (7) dana od dana donošenja.

### **Član 3.**

Ova odluka stupa na snagu danom njene objave na web stranici Agencije za identifikacione dokumente, evidenciju i razmjenu podataka Bosne i Hercegovine.

## **O b r a z l o ž e n j e**

Nakon provedenog postupka javne nabavke **održavanja hidrauličnih pumpi**, Komisija za provođenje postupka javne nabavke je konstatovala da je rok za dostavljanje ponuda u predmetnom postupku bio 10.6.2026. godine do 10:00 sati, te da do navedenog roka na pisarnicu Agencije za identifikacione dokumente, evidenciju i razmjenu podataka Bosne i Hercegovine pristigla je jedna (1) ponuda i to od ponuđača Bergman Tehnik d.o.o. Banja Luka. Neblagovremenih ponuda nije bilo.

Komisija je prema specifikaciji navedenoj u Tenderskoj dokumentaciji, a nakon provedenog postupka analize i ocjene ponuda, izradila Zapisnik o pregledu i ocjeni ponuda, broj 15-03-16-5-16-51/26 od 11.6.2026. godine, u kojem su detaljno obrazloženi razlozi za odbijanje ponude.

U skladu sa navedenim zapisnički je utvrđeno da ponuđač nije dostavio Izjavu o ispunjenosti uslova iz člana 45. stav (1) tačka a) do d) Zakona (Aneks 4-a) a koji je tražen tačkom 3.2. Konkurentskog zahtjeva, kao ni dokaz o ispunjenosti uslova u skladu sa članom 47. Zakona i to Potvrdu banke kojom se dokazuje da račun ponuđača nije bio blokiran u posljednjih 6 (šest) mjeseci od dana dostavljanja ponude, a koji je tražen tačkom 3.4.1. pod b) Konkurentskog zahtjeva, zbog čega je njenova ponuda ocijenjen kao neprihvatljiva. Daljom analizom Komisija je konstatovala da dostavljeni Obrazac za cijenu ponuda (Aneks 3-a) nije u skladu sa traženim Aneksom koji je sastavni dio Konkurentskog zahtjeva od 26.5.2026. godine zbog čega se ponuda ponuđača ocijenjena kao nepravilna.

Imajući u vidu navedeno Komisija je predložila da se ponuda ovog ponuđača odbaci kao neprihvatljiva, te postupak u skladu sa članom 69. stav (2) tačka d) Zakona o javnim nabavkama poništi.

Cijeneći navedeno odlučeno je kao u dispozitivu ove odluke.

**Pouka o pravnom lijeku:** Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog nezakonitog postupanja Agencije, a koje se u žalbi navodi kao povreda zakona i podzakonskih akata od strane ugovornog organa u postupku

javne nabavke. Žalba se izjavljuje, u roku od 5 (pet) dana od dana prijema ove odluke, Kancelariji za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri (3).

---

Direktor

prof.dr. Almir Badnjević

дигитално потписано / digitalno potpisano / digitally signed